



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Komisija za vanjske poslove

Broj: 01/2-011-191/01
Sarajevo, 19.04.2001.

Z A P I S N I K
sa četvrte sjednice Komisija za vanjske poslove

Sjednica je održana dana 19.04.2001.godine sa početkom u 09,00 sati
Sjednici us prisustvovali sljedeći njeni članovi:

1. Mediha Filipović
2. Marko Amidžić
3. Sead Buturović
4. Salih Kulenović
5. Željko Bilbija
6. Mariofil Ljubić, a sa zakašnjenjem
7. Branislav Lolić i
8. Momir Tošić, na samom kraju se pojavio i
9. Boro Bjelobrk

Prvi zamjenik predsjedavajućeg Komisija za vanjske poslove predložila je sljedeći

D N E V N I R E D:

1. Izbor predsjedavajućeg komisije
2. Usvajanje zapisnika sa 2. i 3. sjednice
3. Pregled međunarodnih protokolarnih aktivnosti
4. Sporazum o utvrđivanju i zaštiti investicija između BiH i Republike Grčke (radi davanja saglasnosti za ratifikaciju)
5. Ugovor o socijalnom osiguranju između BiH i Republike Hrvatske (radi davanja saglasnosti za ratifikaciju)
6. Tekuća pitanja

Nakon duže rasprave dnevni red je prihvaćen jednoglasno. Prije toga gospodin Ljubić je predlagao da se sa dnevnog reda skine prva tačka, jer se u međuvremenu nije sastao Klub zastupnika HDZ, kojem pripada mjesto predsjedavajućeg.

Ad.1.

Prvi zamjenik predsjedavajućeg Mediha Filipović je predložila da se slijedi automatizam koji je na prethodnoj sjednici Predstavničkog doma predložio gospodin Avdić, to jest da poslanik koji dolazi preuzme sve dužnosti predhodnika. Potom se otvorila rasprava u kojoj su učestvovali svi prisutni poslanici. Gospodin Amidžić je predlagao da mjesto predsjedavajućeg preuzme član komisije Mariofil Ljubić, a Ljubić je predlagao Amidžića. Gospodin Amidžić je posebno istakao da se još uvijek nije priključio Klubu poslanika HDZ, a to želi. Zbog takve specifične situacije je u nelagodnoj situaciji i ako kasnije nebi dobio podršku kluba podnio bi ostavku. Zatim je Prvi zamjenik predsjedavajućeg predložila da se za predsjedavajućeg komisije izabere Marko Amidžić i taj prijedlog je jednoglasno prihvaćen. Novoizabrani predsjedavajući je zamolio da ovoj sjednici do kraja predsjedava Prvi zamjenik, što je prihvaćeno.

Ad.2.

Nije bilo primjedbi na zapisnike sa 2. i 3. sjednice i oni su jednoglasno verifikovani.

Ad.3.

Pod ovom tačkom dnevnog reda vodila se široka rasprava o aktivnostima iz predhodnog perioda i aktivnostima koje slijede. U raspravi su učestvovali svi članovi komisije. Posebno se mogu izdvojiti sljedeća zapažanja i zaključci komisije:

U saradnji sa Komisijom za vanjske poslove Doma naroda treba pozvati u uzvratnu posjetu Komisiju za vanjske poslove Parlamenta Republike Slovenije. Za saradnju i koordinaciju sa komisijom Doma naroda zadužen je prof. Kulenović.

Delegacije bira Kolegij, a Komisiju uopšte ne konsultuju, ali bi intenzivniji rad komisije stvorio prilike za intervencije i prijedloge.

Sjednice komisije treba održavati dan prije sjednica Predstavničkog doma.

Aktivnosti koje slijede su odlazak u Strazbur, Iran i Berlin. Posebno je ukazano na delikatnost koja se očekuje u Iranu i predložene su obavezne konsultacije sa MIP-om. Za sve naredne aktivnosti MIP bi trebao uz poziv dostavljati i kreći komentar, a po potrebi da ministar ili njegov zamjenik dođu na sjednice komisije. Posebno je istaknuto da je potrebna informacija sa kojim zemljama imamo parlamentarnu saradnju i da je neophodno utvrditi interes za grupu zemalja. Da ne treba ići mimo MIP-a, ali je odluka na komisiji i poslanicima. Dosadašnja praksa ide ka tome da se od poslanika oduzimaju Ustavom utvrđena prava i ovlaštenja. Uz uvažavanje svih odluka je na poslanicima i to svoje pravo ne trebaju dati nikome, ako ne žele postati "glasačka mašina". U programu treba utvrditi prioritete bližeg i šireg okruženja uvažavajući materijalne mogućnosti, a pored MIP-a konsultovati i Vijeće ministara i pozivati ih na sjednice. Kvalitetne pripreme i informisanje po povratku jedino mogu biti garancija uspješnog predstavljanja BiH.

Gospođa Filipović je članovima komisije podnijela izvještaj i podijelila tekst svog govora na Zasjedanju političkog komiteta Vijeća Evrope u Parizu.

Ad.4.

Komisija za vanjske poslove je nakon kraće rasprave jednoglasno podržala Sporazum o utvrđivanju i zaštiti investicija između BiH i Republike Grčke i predložila Predstavničkom domu Parlamentarne skupštine Bosne i Hercegovine da da saglasnost za njegovu ratifikaciju.

Ad.5.

Komisija za vanjske poslove je nakon kraće rasprave jednoglasno podržala Ugovor o socijalnom osiguranju između BiH i Republike Hrvatske i predložila Predstavničkom domu Parlamentarne skupštine Bosne i Hercegovine da da saglasnost za njegovu ratifikaciju.

Ad.6.

Pod ovom tačkom dnevnog reda između ostalog je bilo riječi o prioritnim zadacima koje treba obaviti kako bi BiH bila primljena u Vijeće Evrope, a to su prije svega usvajanje Izbornog zakona i implementacija Odluke Ustavnog suda BiH o konstitutivnosti sva tri naroda na cijeloj teritoriji BiH. Obzirom da su formirane zajedničke institucije BiH očekivati je početkom maja delegaciju Vijeća Evrope. Kako se odluka o prijemu BiH u Vijeće Evrope donosi konsenzusom sve 44 zemlje članice potrebna je jaka diplomatska aktivnost, a poslanicima treba ponovo podijeliti listu uslova koju je sa rokovima ranije sačinio tadašnji ministar vanjskih poslova Prlić.

Gospodin Bilbija je postavio zahtjev za stalnog sekretara komisije što bi rad učinilo efikasnijim i da Kolegij treba prijem uraditi što prije.

Od MIP-a i Vijeća ministara treba tražiti Platformu spoljne politike BiH i sa izabranim delegacijama zajedno sa komisijom Doma naroda održati zajednički sastanak.

Gospodin Buturović je podnio izvještaj o skupu u Dubrovniku, gdje je naša delegacija imala značajan nastup. Zatim se govorilo o III okruglom stolu o zajedničkoj vosci u Cirihi, gdje su pozvani gospođa Filipović i gospođa Amidžić i Bilbija.

Zaključeno je da je i profesionalizacija predsjedavajućih radnih tijela uslov uspješnom radu.

Na kraju je gospodin Amidžić zahvalio na ukazanom povjerenju obećavajući da će dati sve od sebe i da se nada uspješnoj saradnji sa svima.

Sjednica je završena u 10.30 sati.

SEKRETAR KOMISIJE

